



橫戈集序

予幼時不學晝昏如病弱不勝衣祖堪輿遊宦春之

集雲鄉過瑞牛山雲霧大作迷失向往因卧二日食

蒲飲泉忽崖頭有嗽聲躍視之乃一道人龐眉皓首

杖掛蒲麻訝云汝非惡少乎予曰非乃堪輿失路子

也道人開顏坐石問踪由曰饑乎饑矣渴乎渴矣即

以杖頭蒲飯指石中流泉可食遂云堪輿是一術不

能了汝事業右云男兒立節不武便文汝弱冠志何

小我隨授拳經兵法陣圖六甲經世書且勿泄指前
程三路從中正直路即脩仁鄉問其姓曰謀廣冲黃
道人復問即風起雲散不知所往矣自後中夜不寐
壯心日起力可舉鼎制牛夢中每得刀鎗法知詩句
隨劈破指南車遊名山大川上宜春臺登七寶塔從
羅念菴先生夢玉筍山明月祠匡廬鄱湖洞庭西湖
羅浮臨戎闡廣淞楚滇雲紀事自慚口頭俗句本不
敢錄武不以詩尚文不以劍爲蓋詩之義深矣哉風

物商時如禪如悟因時紀事則可敢詩云乎

萬曆丙戌孟冬虎冠道人識

橫戈集

磨劍口占 未仕 丙辰年

豫章 武橋 鄧子 龍著



磨就青蛇斗氣雄
神光長射曲江東
張華去後無消息
千百年來起卧龍

遊玉筍山和念先生韻

亂葉隨秋失淺溪
岑風度竹夜驚鷄
山神預報山人

夢掌握立分路不迷

夢掌中分
丘二字

過大庾山四景

南安東山上一塔如卓筆以之書青天我有擎塔力
神人昔鞭山一山走披視我來按其首爲挽雙子髻
梅嶺有老猿授我一部經披閱靜乾坤白日走雷霆
大庾西華山森削崢天關我登發長嘯聲響驚百蠻

登塔口占

挾山不足勇登塔豈爲勞人言毛骨聳我覺眼睛高

江山如圖畫冠蓋若鴻毛欲寫不平事將此作揮毫

遊仙羊寨

寧州銅鼓石

仙羊已去何年許我來重作仙羊主呼仙酌酒仙童
歌仙花滿壑仙禽語一笑仙風八面生仙霞化作千
山雨

度茅竹山

吳西茅竹高天關寒風六月行路難狐兔縱橫畫出
後行人樵採顧攀援我來嶺頭適一呼風生萬壑烟

雲間從容直上九萬里眼空宇宙天地間崑崙太行
若坏土安得高似燕然山

遊西湖吊武穆

西湖吊古漫天雪寒烟野樹添愁切諸葛雖生蜀亦
亡將軍不死宋亦滅元氣神杰掃地衰雕囊大廈丘
山裂年々三月桃花開六橋長照英雄血

登五雲山望錢塘有感

天目飛來紫炁重五雲擁出東芙蓉南望眼前三折

水北連足下二高峯湖上半非唐世事江干不見宋
時鐘莫言東海潮聲細尚有虬髯未掛弓

因林寇走海島

過江頭抱子石

江頭抱子望夫歸何世何人以汝遠雲瘦月穿心上
眼江肥水浸石中衣薄情遊子封侯急無語舟人到
信稀莫道寒潭多水性年々清影照斜暉

遊廬山天池寺和羅念菴先生韻

天池緩步上崔巍池上山僧半掩扉瀑下層崖擊鼓

急雪封長逕御碑微四仙吳楚為屏帳五老江湖任
是非且向乾坤撐一著他年來此解征衣

遊袁州宜春臺

閑來石磴步巖從天際金宮紫霧重帶雨絲蘿穿石
嶠和風鐘磬落長松眼空萬井蒼茫裡足躡孤城返
照中看劍長歌蘇武賦韓公祠北斗牛雄狂

卧渝川豐溪未遇時

綠盞紅稀三月時傷春客子損詩脾功名有分何須

早富貴無根不在遲湖海自非貧賤骨塵埃誰識虎
羆姿杜鵑啼到烟林下催起英雄萬里思

別康山忠臣坐次

因丁普坐韓
成之左遂右

一戰鄱湖偽漢非大明從此定皇畿韓侯直氣能全
主丁普頻降夜破關六十萬軍黃葉墮三百八士亦
心歸康郎廟食居誰最十萬江山係請衣

登飛山

南來倚劍上岩堯滿眼烽烟坐裏銷神器自知無鬼

蛾嫖姚何處有天驕
岩飛瀑氣披深洞
風送鐘聲下
遠苗西望六百八十穴
我欲一掃歸天朝

吞苗閣 玉閣

吞苗高閣勢橫秋
控扼三藩據上游
風到神旗華黨
散月明鬼國夜
即憂鼓斷一天星
斗淨鐘鳴萬壑烟
雲收玉關一望壯
心起腰間叱咤雙龍浮

五月觀兵長安堡

諸葛五月渡瀘水
我於仲夏進長安
峒巢大小膽盡

破苗夷遠近心皆寒
有說用兵五萬衆
只願與我三千寬
武崗廣貴討都莫
沿邊悉三年專

提兵入閩

旗節依、渡建溪
熟梅苔雨路遲、
踰垠久已忘家
念指敵類歌許國
詩號令迅傳山海
靜干戈不擾烏
猿啼直須擣洗黎
民恨掛劍功成一
羽衣

過青草嶺金錫寺

青草峯高插翠微
路從天外白雲低
山腰古寺傳金

錫鐘鼓松梢到馬蹄

過大幽山金鷄橋曾有人敗兵于此

短甲輕兵入武鄉西風吹石鏡衣涼大幽山下無情
水笑問金鷄舊戰場

捷聞雲浦憶別

樽酒與公田浦別捷書原約在中秋吳烟楚雨歸長
劍秣馬南山解勝遊

爬江血戰英德縣嘉靖四十二年四月

爬江陷陣獨任鋒豈知奸將先妬功戴姓七鎗入骨

心愈壯九死不回氣轉雄自卯破巢戰至午渾身血
染征袍紅

東海血戰隆慶三年

揭揚巨寇曾三老剽掠稱雄居海島水兵數萬莫櫻
鋒兩省英雄皆草草電白直入佛堂門劄住海珠
二十日三司百姓夜上城束手元戎無計出三省會
師約南澳東西順逆風不到五月十二排戰船獨寇

乘風先有報閩師十萬敗如洗將官沉水金門裡蔽
海艨艟悉捲空軍裝火器盡爲取烏艚碣石憑風起
白沙一日長洲尾八日賊船夜劄牛田洋輕視廣兵
容易喜勝負未分蓮灣戰一聲霹靂船不見鏡自風
破舟
消烟散浮似蟻曾賊天亡蓮灣底猿臂擒來尚未死
主將冒官傳與子

寫屏風

春

牡丹臺傍御書樓芍藥承恩露未收紅杏碧桃皆結
子山茶向我笑封侯

夏

石榴賽錦粉牆東曉日三竿一丈紅茉莉池頭看晚
景大華十丈挽天虹

秋

老臣憂國對黃花酌酒芙蓉不計家自是心田無惡
草定知月桂散天葩

冬

功成解甲待何年
松竹凌霜晚節堅
南北梅花消息好
春雷又起老龍眠

贈陳

汪源 四首

相知有道出心田
鶴髮童顏倍少年
閑看六龍先後雨
甘霖處處散長天

虎臣今到世臣家
憶別蒼梧幾歲華
砌蘭芝田多雨露
玄門尚自老烏紗

福星偏到壽星堂
丹桂秋來次第香
碧水黃花看晚景
年々鶴髮拜龍章

山亭酌酒故人情
踈禮漁樵不問名
別去羽衣今十載
丹砂何事未曾成

贈余龍溪

鱗甲飛騰變態深
五雲常繞碧流陰
待時頭角春雷動
化作商家處々霖

萬中軍別

康郎銅鼓各天涯草樹茫茫故苑花憶昔山西有拔
宅豈留猫犬落人家

口占雨漲

卧報江干雨氣收百川齊到湧中流斜磯怪石消形
跡此日堪行萬斛舟

扇中畫舟

男兒立志當自雄孤舟蕩漾風波中逆流直破五湖
浪揚帆收拾千江紅

遊寧州南山寺

南山古刹臨諸天釣磯山谷稱名賢山腰樓閣虛層
然老藤照水驚龍眠蜃鮞吹浪幽岩邊舟人漁子相
爭先我來仗劍冠雲巔長風一掃歸江烟

觀洪水得眸字

雨後病登樓依稀步欲浮江肥吞石面雲瘦空天眸
水色拖長恨松聲帶遠愁欲作中流柱風波任兩頭

寧寄州守陳雲浦

遠駕長驅出楚關，誓擒元惡凱歌還。
旗開異域風生草，甲照中秋月滿山。
士卒卧薪長夜壯，將軍嘗膽五更開。
赤心未了乾坤事，白髮還為兒女顏。

憶別陳寧州因寇解官三首

秣馬西風罷戰征，桂花香襯綉袍輕。
眼中狐兔秋前盡，江上芙蓉雨後明。
堅壘不辭親力破，凱歌何處故交迎。
倚天回首脩江上，雲樹河橋無限情。

班師載酒送君行，李蕭然下武寧。
露墮千山紅樹

淚風悲萬井，白頭聲素知。
有道辭官重，怪底無才任。

將輕神物天涯終，有合莫爲兒女愴離情。

魯山擐甲共論兵，意氣橫秋萬膽驚。
方畧仗君擒遠

寇生靈無計挽，長城憂時莫負傳。
家劍去國還省教

子經天北天南，知己在錫山。
長見斗牛星。

九日雲岩遇雨

干戈牢落自天涯，歲二重陽未到家。
憂國長愁驚白髮，空堦細雨瘦黃花。
羅江未定天南棹，馬邑頻聞

薊北笳多少材官歸未得且將茱酒對
韶華

四友亭遇友

廓外尋亭一下與亭中偶爾遇高儒梅邊路僻皆樵
採竹裏雲間自卷舒松嶺遠巖藏石佛曲橋流水帶
金魚無邊落木添長興多少烽烟尚未除

送友人入覲

陽關尊酒送君行征旆輕車破曉暝宰相無私閑檢
點朝廷有道正聰明紫宸北去傳新命丹詔南來見

政星若問農桑烽火事甲兵總已望輕微

贈金陵張劍華折節讀書

壯士山中結草廬翻然解甲惜三餘靜觀經濟憂時
策閒讀安危報主書劍倚斗間占王氣眼空海內覺
心虛堅持國手三冬足南北瘡痍尚未除

贈醫生

試藥江湖已有年杖頭不較活人錢葫蘆裡面藏玄
牝柱杖根頭點汞鉛鍊石女媧原有說滄松平子豈

虛然乾坤若也能移轉教命歸工不在天

答袁竹泉韻

吳楚烽火坐裏銷山城刁斗靜無聊眼青懷友雙峯
在秋老羈官一念飄喜慰竹冠間白髮慚予金甲卧
青霄頻勞遠問封侯事原自陽橋渡武橋

贈醫生

神醫妙自長桑君東垣并和昏後聞簡子賜田四萬
畝上池飲水三十斤禁傳六秘骨髓訣漱滌五藏陰

陽分我憂四海正枯渴杏泉一勺回千軍

寄袁巽峯

太史當年解綉貂漢庭誰問霍嫖姚因追大宛思張
騫為說胡關憶馬超劍去西江雲出峽風來東海月
生潮宿緣陶阮春深處採藥天台路未遙

張雲翼

自從海上別明公回首中原國士空千里真龍出蛙
水萬年彩風落岐峰林樟山下射鵬手大陂濶中破

虜功更向荆門議人物高風端不次元龍

舟泊靈聖庵

麥果停舟一振衣步從千仞上崔嵬
凌虛怪石穿雲瘦勝地仙苔著雨肥
擊磬梵傳客谷應募緣僧帶夕陽
歸山南宋有蕭驄馬文獻當年未品題

中夜不寐和平山龍石

月光穿榻旅魂驚厭聽城頭鼓角聲
遠壁踈砧隣婦倦空庭促織傍人鳴
聞鷄此夜添長興秣馬何時罷遠征
未了封侯頻看劍隔樓長笛不堪聽

中秋前一日欲雨

明朝人報中秋節心思俄然起一驚
多少好懷投碧落莫教惡雨暗山城
鍤衣未了忘家念銀漢休移別處明
勿唱郵亭闌塞曲天南餘恨未曾平

聯寧州陳雲浦韻萬曆四年八月初二日

文駕入軍中談兵興不窮眼中無百獸
腰下有雙龍身比匹夫弱氣奪萬軍雄
笑談裊醜類血蹀馬蹄

紅

宿禪林寺有感

醜類原無策，勞師夜破圍。
秋聲傳號令，月色上旌旗。
樹靜猿啼急，雲間犬吠遲。
禪林鐘鼓寂，誰識丈人非。

贈瀏陽醫士

高秋傳號令，盪寇度吳西。
山氣侵征骨，嵐烟入將脾。
妖魂迎劍落，醜魄逐旗飛。
吳生來虎帳，洗藥比神威。
鄱湖改定江，即銅鼓石。

定江千仞石，鄱湖萬頃波。
雲收潛虎豹，風靜隱鼉黿。
內食憂時少，愁生大瘦多。
乾坤隨自轉，一劍任橫磨。
壽黎母

隣有一孤嫠，貧而能守孀。
清燈苦滋味，長夜惡心腸。
願言幾百歲，可以為婦方。

贈胡少川姪

貧而孝，所難况在葛篋間。
娶婦先完弟，四十尚守鰥。
長齋保母寡，崔郊羅威班。
肉食離毛義，張奉寧後顏。

贈寧州余雙泉壽

壽居五福首德為天地經東海田子石南極老人星
玄鶴依人舞黃花著雨惺好看天外信傳臚兩眼青
嘆嶺東八征不靜

嶺東征復征草樹烽塵燼荆棘滿道途陰雨暗時令
嗟哉官報邊痛矣民無定農事欲趨作室家已懸罄
猿啼萬壑空鳥泣千山盡請問肉食人膚髮當靜聽
綏寧欲登雲霧山雨阻

雲霧望亦險欲向嶺頭行速呼千嶂合長嘯萬山平
岩花困宿溟山鬼厭新晴不斷楚天雨留予燕然名
誚學兵

赤子潢池學弄兵旗旌鼓角似周星妖禽野嘯深村
雨山鬼岩呼半夜晴當道孰知鑽刺重憂時誰許
死生輕瘡痍滿眼生靈急國手回春答聖明

別靖州呂二守還浙

驪江載酒擁江亭惡雨蠻雲過楚城車出鬼方山色

斷馬迴鳥道瘴烟平囊空藥米山飛跡笑滿蘆笙坐
月情自在黃冠湖上客好看江海帶潮行

別靖州李通判

知君元是不羈才高志投閒萬事開別駕風清空墮
淚歸帆月白漫相催附會一生是何者苟合百年安
在哉宦海無邊能到岸好携秋露上天台

賀龍兵道嘉功榮壽

吉州自古多豪士不事炎涼乃政聲披笏五開諸醜

縛單騎一笑六華平臨風氣勒馬援柱論將才凌趙

信城國士年々吞巨鼎黃花載酒拜庚星

澄源深處起元龍吞吐蠻夷萬胆空決勝遠猷知將
將從容大度肯矜功開心選士三千禮墮淚刑民

八面風早慰聖明憂異象乾坤呼吸轉移中

迎周兵道兩劄杜氏和壁間蔣州守韻

芍藥換收金鳳開逢迎冠蓋自徘徊牆頭幾個聞花
鳥笑認將軍兩度來

認得良知萬利開
慵看榮辱自徘徊
堦前景物多粧點
檻外浮雲自去來

春舟遇雪 萬曆六年代將海鹽

江上東風萬點紅
六龍何事逞春工
菜花夾岸孤蓮雪
人在黃金白玉中

請孔仰山進銅鼓

銅鼓雲深細柳封
不知紅紫逞粧容
主人可也隨春色
笑步江城二月紅

寓瑞州洞山寺贈僧

清風不是宋時亭
古木陰陰杜宇鳴
多少好山烟雨裏
一江錦水二高城

暮春山寺雨初闌
江瘦橋高月滿山
禮佛禮官農事急
出家何處是身閒

寓新昌雨次

又雨泥途禮數疎
征人向廓問農夫
林肥花瘦三千丈
惟是江南有鷓鴣

寧州判 聞訃東歸

元亮終縛訃音通共政無由借冠公大節偏舟向東
去西湖烟柳雨聲中

贈熊劍源還豐城

老將秋風抹馬強萬山烟雨送行裝主人珍重烽塵
劍南北干城在豫章

度玉山草坪風雪口占

擁車東上五雲開懷玉山頭雪欲堆知我袖中有神

物靜塵風雨九天來

過曹娥碑

烈女節婦古今頗多貴在爾碑蔡邕一摩

舟山代鎮防汛已卯年

一劍西來蜃氣收潮生月滿壯東流欲犁島嶼諸夷
穴先上風波萬里舟

贈遊戎童易石改調

鎮兵誰理太平工神氣應憐掃地空盤錯自珍干將

在天南天北斗牛雄

回過玉山

解組西歸萬慮開
不理錢塘錦瑟堆
余老今年五十八
願留精采首重來

解組見彗星口占 萬曆七年

秋高不寐夜如年
起看微垣壁宿纏
武曲引雲歸北
斗彗星何事見中天

大征賦復作口占

入幕紛々燕雀隨
東南烟雨漫相催
青山舊恨添新
恨滿眼瘡痍國手誰

贈宋星州遊擊

時艱何事隱才名
滿眼烽烟尚未平
一笑相逢知己
在天南未許老干城

贈張守備牡丹

東風欲問牡丹臺
可卸征袍載酒來
主人若也歸來
晚分付花神且莫開

謁壽亭侯江祠

江閣尊嚴禮拜深
英風八面壯征襟
當年昆玉無牽制
必未諸苗不用心

中秋無月口占短律九絕

中秋無月夜如何
辜負詩人好興多
想是天宮機杼促
嫦娥無暇渡銀河

中秋客舍夜如年
風雨無端倍寂然
知我婵娟應有念
團圓不照別離天

中秋待月來銀漢
欲來不來過夜半
征人帶病倦欲眠
月華留待明年看

中秋雨洒鑊衣人
未了殘氛正氣存
長恨一聲天地合
嫦娥或者避將軍

中秋待月不見出
我問天公還來不應言
人間亂離多羞照
紅顏與白骨

中秋不送桂花香
有美人兮天一方
士女王孫空闕巧
鞦韆無影過隣牆

中秋夜半風雨惡
報道西江波浪作
洪水浮槎上半
山恰疑龍石生頭角
抱病中秋強自寬
郵亭烟雨思漫漫
不堪去歲今宵
夜花滿欄杆
月滿川

十六夜月

前夜容光惜未全
張筵有待昨團圓
薄情雲雨偷身
去只恐今宵動了弦

宿若水問諸葛營有感

若水等屯葛諸壘
却終南捲魏興師
天留五丈秋風
恨尚有蠻夷十二司

八五開夢中得句

潢池赤子笑論兵
結款金湯作甕城
不識單騎天上
下却言飛將屬先聲

雲岩寺僧正

雲岩萬慮空
岩鎖亡情動
數點幽冥鍾
不管人間夢

其二

人生幻泡影春花秋葉飛天地誰為主乾坤消長機
其三

白髮苦為奴紅顏自竒貨幾個認回頭看得浮生破
其四

却髮出樊籠浮雲過太空莫也無此事焚香打坐功

送僧人

離俗欲長生精神氣三寶長忘意外思除却心中惱

勉余典膳家

宗族和乃曰富貴謙能久大哉君子心善惡若已有

勉秀才莫入公事

青春美少年處女不出戶勿作眼前驕當為天下助

與杉市汪巡檢

美心即美官好書勝良友好書義理深美心受用久

鄉人求字

金壘閑刁斗華筵倒玉樽春風布和氣彩色引朱轡

其二

暑氣薰幽壑
炎光滿野屯
比來荆棘地
應有百花蕃
其三

清風披虎座
朗月上轅門
山靜潛狐鼠
桑麻遍野村
其四

霜肅降魔劍
冰凝飛虎旗
柴門靡不吠
野老負朝曦

贈余竹崖

直節出巍峩
虚心自太和
一聲天上信
萬壑子孫多
其二

盤錯穿雲嶠
清風落粉寒
午陰憇石壁
暑簟轉琅玕
其三

石溜雲根合
踈枝倒影分
金風鳴玉佩
好月上龍孫
其四

萬疊王維瘦
千尋郭橐肥
凍來雲欲合
玉滿鳳凰枝
題余雙泉號

星宿雌雄出
脩江燕尾分
浴乎風詠起
好者濯纓人
二

阿耨天池遠乾坤兩派清引鳳亭邊合猗々雙影明

三

西國元多品風雷有卧龍淡甘為上種雙影沁芙蓉

四

滾々銀龍並清流日月深三陽從地起萬里作甘霖

題湘竹鄧洪橋

姓本無名賜官從天地皇衣冠漢唐宋宇宙盡南陽

雲岩寺有全真見謁

壯士問脩行全真浪有名戰征無妄殺報應自長生

寧州風景

若問修江景風民幽厲興江流多石險鐘鼓半山城

贈人四景

上苑賞英華栽培錦繡家日暖乘驄子長安省杏花

二

初暑上崆峒葵榴相應紅六郎省步玉香透水晶宮

三

獨立老天風
丹桂對芙蓉
一聲清曉雁
飛報鹿鳴中
四

玉雪映金章
瓊樓接大荒
乾坤松柏翠
梅吐老龍香
贈劉春元四首

春牡丹

群芳多艷冶
無過牡丹花
國色長安動
先開第一家

夏葵花

萬國驅火龍
草木半焦烘
赤心堅向日
當陽第一紅

秋桂子

細蕊黃金簇
飄香遍棘圍
分得蟾宮種
高秋第一枝

冬梅花

結子堪調鼎
開花壓衆芳
雪枝橫玉帶
爭春第一香

勉靖安王黎二生遊館而回

貧乃士之常
襟懷常落落
董生不下帷
季子無附廓

二

魯侯何足遇
仲謀何足誇
未老千鍾粟
青春讀五車

三

養學須養心文章乃法針本來真面目何必外頭尋

四

乾坤六尺軀同俗莫同理富貴輕浮雲盡其惟在已

贈新喻胡少川四景

我有豐城劍曾磨虎礮山血肉不足試留斷玉門關

二

智哉留侯英功成不問名蒙山有天池我可濯長纓

三

相知只說舊莫問靖邊功賤貴男兒事神遊百丈峯

四

鍾山松骨瘦風滿玉乘戈仰天岡上雪形跡下絲羅

題銅鼓石 又名旌陽試劍石

定江巨石當路傍有人疑是南山虎笑漢將軍止沒
羽乃不貫之何足數又傳此石名鼓銅上應北辰開
帥府英雄一劍破中堅撐住乾坤鎮吳楚

惠州題壁間日下喜占鰲頭

孤飛來自天門冬止有曉日扶桑紅
下有一個從雲公鱗角頭甲非群
同濟時霖雨八荒通

嘆功名知遇三十韻

人生行樂乾坤同得失喜怒春風客
嗟哉比干與龍逢
亞夫黥布悲重瞳
宋有勤王到海豐
朝炊未熟無
斥烽縱橫胡馬飛
如風何不哨探羊蹄峰
嗟悲一點日星同
凜然萬古稱其忠
姜維善戰稱羅熊
武戾神

筭空鞠躬國士安
知數運窮談兵仗義
皆盲聾躡足
附耳留戾功笑談
吞吐皆天虹
精神抖搜氣橫空
身披鶴氅騎青驄
八荒一掃烟溟濛
眼中一笑空元戎
古今何代無英雄
角端入水金沙紅
南倭不滅扶桑
東男兒豈掛天山弓
北虜未鑄陰山銅
莫邪豈倚枯崆峒
道行不在問戾封
功成幾個相知中
萬物一體皆疲癯
我在論德不論功

駐劄寧州善後誕晨偶成

赤子笑潢池原皆狐兔髮烟雨呼山岐物色生離疲
西山烽火危東官半解締九天風露吹飛來鷹準資
腰騎雙雄雉出匣豐城泥入山潛虎獵入海驚蛟螭
今出山石移機動神不知金巢悉擣披銀穴皆平夷
黎民尋舊基閭巷生顏怡犬不吠柴籬村不敢拾遺
善後老我師霜寒兵白眉凍合梧桐枝擎天碧琉璃
攸之何所之長嘯雲岩羈鐘鼓雜詩塌影明旌旗怪
裡老卒隨忽報生誕期劬勞有所思懷我雙親慈康

郎白玉肌飄飄有夭姿自小不自私愛學忘寒饑我
思何卑微番然何別離男兒焉世悲乾坤撐天箕時
挽雙石願當思千里騎勿以家念縻馬革長相須何
妨鬢若絲乾坤自支持古今還自竒重看黃龍碑

揚竹塘雙麟圖

汎水名山稱古鎮多生國士鍾山神竹塘有客抱耿
介瓊崖拜將還忠貞賣刀呼酒義皇侶杜門不理高
車賓知己不問即傾倒精神岬岬長吁呻丰姿偉俊

令公度紅粧遠索多慙慙東山一起淨西土願將四海垂忠勤賜玉歸來點頭日眼前豈止雙麒麟

贈叅戎劉茶溪

霍山一脈來崑崙星宿潭川共派分萬木並秀皆後倫百花誰敢爭先春清興幽然近至尊醉昏可以惺王孫眼空四海正枯渴願將七碗回三軍

贈陳醫官紫石

卧來虎帳雲巖山有儒紫石金爲丸一粒破憂顏再

粒元氣還呼吸神武驚天關南倭北虜心胸閑神仙
盧扁今人間

渡盤江吟 癸未年夏

謬承 欽命向南征兵馬兼程暴暑行普定水分南海出威清山接虎頭城嶺高關索千峯小瘴下盤江半夜平此去赤心多少望願繫莽首報功成

西征有感

一禮不足惜今糜十萬兵因循成功齒汰冗竟虛名

馬穿千險出旗指萬山平號令從天下誰言有莽庭
因土兵之擾過可樂亭

停驂午炊蒼山西石門對雨寒霏合江咆哮走雷
電六月猶穿中夾衣鳥驚節鉞萬壑淨猿啼鼓角千
山悲孤懸村落絕烟火扛檣堡驛窮膏脂壯士傷心
肉食裂何爲可樂稱雍熙

萬嶺松嶺風雨催軍行

應憐西事懸民瘼長呼鉄甲燈前着三程兩程日夜

行千山萬山風雨惡不妨夷鼓地下來自有將軍天
上落百戰烽塵社稷安一怒乾坤星斗錯歸來烹象
飲天河何代英雄無衛霍

猛淋行感興

丈夫生世間豈爲兒女謀綱常七尺軀何限覓封侯
仗劍眼空天下士浩然之氣凌青霄君不見百戰身
披數十痕手開雙石三奪殲義膽忠肝格鬼神叱咤
咆哮走雷電醉來解帶大樹眠詩成落筆楊雄辯又

不見滇南財竭苦用兵遐天耳目遙金殿永平夫少
婦運多騰陽米貴夷金賤潞江初瘴鳥不飛猛淋舊
壘烏欲啼朝傳露布晚報警軍民疲困何時醒願將
一戰百蠻空談笑顛倒乾坤整

姚關班師宿保場

抹馬班師望永城懽呼萬姓凱歌迎姚關一戰三宣
復灣耿齊收六詔寧計縛元兇千膽落火開象陣萬
夷警龍池淨洗橫磨劍天北天南願太平

再搗耿馬老巢三尖山班師

靖遠征西十六年我費九月三萬錢六慰三宣仍內
地諸莽百蠻無中堅且飲欲盡未盡酒笑弄濯纓濯
足泉黃冠野鶴即樂事何須勒石稱燕然

過弔武侯

寡慾清心盡瘁休七擒六出報炎劉兩朝天意雖歸
晉恨鎖滄江日夜流

勉子

天地正氣人生乎間昂七尺光景之難勿作淺近之態勿為兒女之顏綱常節義重如丘山

又

讀書之士須咬定牙根立定鉄心腸如降仙如處女一塵不到心頭惟窮理盡性與聖賢氣魄相通駟馬車千鍾粟內事也若以尋常故事傲物驕入心憧而外馳足蹶而間逐精神弗注義理茫然及至皓首無成始悔少年之不力也識於書堂兒曹其

自勉焉

十二月見海棠有感

遐方故國各韶華臘月先開二月花景物催人春色早干戈何事老天涯

其二

渺々天涯七尺軀盈々短髮上綸巾花開花落征袍色自是夷方不共春

病中聞西騰兵挫口占

病眼慵看老莫邪西南轉運不勝嗟誰憐十萬長平
恨只為當年說趙奢

再過滄浪江記事

萬曆十一六月期孤軍深入滇之西莽酋猖獗特象
馬火龍霹靂皆烟飛六慰三宣破肝膽八百一統稱
華夷期載功成拜司下蒼崖綠水仍依、江流不斷
懷諸葛鐵柱橫斜憶尉遲惟有青山笑今古攻心攻
技總非、

提兵再入猛淋以援騰

瘴雲蠻雨萬山深孟夏提兵入猛淋怪獸哀猿時見
面新民驚骨倍傷心獨憐往事成兒戲每爲聞愁
入夢侵自愧西南真乏策邊烽農務不堪禁

遊山邑洞

山邑古洞幽竒絕洞口寒風生六月老滕穿石不計
年瓊漿積溜千山雪我欲成呼倚劍眠龍光恐射空
洞裂

遊卧佛寺

雲岩呼卧佛萬慮覺虛忘入此則為靜出門還是忙
落莫世情薄崎嶇宦路長臨池見泡影幡然乃義皇

清平洞

洞裏神仙洞外村清平不問舊將軍靜觀楊柳依
綠滿笑桃花灼灼春醉向幾杯銷白骨閒拖一筵看
浮雲圍碁未了千年局倦展諸夷納貢文

看山亭立夏雨霽

喜上虛亭坐夜深長歌解甲酒頻斟山腰擁出半天
雨洞口歡呼滿地金壓蝠掠人迷野白好峯穿照落
松陰七千里外邊城月惟對孤懸報國心

朝天洞

滇南諸山欲赴海崔巍渣滓成岩磬竒形異狀百萬
生我來鞭作朝天洞

見人養痴猫

西家有鼠穿我戶壞我巾箱增我怒呼童無計買隣

猫身短面長牙爪露主人偏愛喜且驕以謂安眠無
內顧惜其乳小日餵之飽思肉食何曾捕夜靜更殘
燭滅時一過鼠多無所措羣鼠初疑後戲之獨走援
牀哮驚怖童兒爭笑主無顏養此痴呆兩耽悞若教
冷眼少棄之恐化鴟梟室家蠹

題永昌城北卧佛寺

神仙渺、蓬萊島天際白雲虛香、四海蒼生苦困
多向須卧此乾坤老

